

Na osnovu člana 8. i 13. Zakona o principima lokalne samouprave (« Službene novine Federacije Bosne i Hercegovine », br. 49/06 i 51/09), Zakona o socijalnoj zaštiti, zaštiti civilnih žrtava rata i zaštiti porodica sa djecom ("Sl.glasnik USK-a" br. 5/2000, 7/2001, 11/2014,23/2018 i 15/2020) i člana 24. Statuta općine Sanski Most (« Službeni glasnik općine Sanski Most » br.4/08, 5/08 , 5/09, 02/10 i 9/11),Općinsko vijeće Sanski Most na svojoj 23. sjednici održanoj dana 20.03.2023. godine, donijelo je:

ODLUKU

o dodjeli novčane pomoći za nabavku GPS narukvica djeci/osobama sa teškoćama u razvoju /invaliditetom/ sa područja općine Sanski Most

Član 1.

Ovom Odlukom utvrđuje se pravo na dodjelu novčane pomoći djeci/osobama sa teškoćama u razvoju invaliditetom /težim i teškim intelektualnim poteškoćama /sa područja općine Sanski Most, na osnovu dostavljene medicinske dokumentacije koju daje izabrani doktor/specijalista, na osnovu koje je utvrđena potreba za medicinskim pomagalom kao i druga dokumentacija kojom se dokazuje potreba za korištenje istog.

Član 2.

Uz zahtjev za ostvarivanje prava na novčanu pomoći za nabavku GPS narukvica prilaže se slijedeća dokumentacija:

1. prijava mjesta prebivališta,
2. dokumentacija koju daje izabrani doktor /specijalista na osnovu koje je utvrđena potreba za medicinskim pomagalom kao i druga dokumentacija kojom se dokazuje potreba za korištenje istog,
3. račun/predračun za nabavku GPS narukvice,
4. po potrebi i drugi dokazi iz kojih je vidljiva opravdanost zahtjeva,
5. izjava o saglasnosti roditelja /staratelja za korištenje GPS narukvice .

Član 3.

Postupak za ostvarivanje navedenog prava pokreće se na zahtjev roditelja/staratelja ili bližeg srodnika koji vodi brigu i staranje o licu kojem je utvrđena potreba za medicinskim pomagalom, a JU „Centar za socijalni rad“ Sanski Most će nakon provedenog postupka odlučiti o podnesenom zahtjevu za priznavanje prava.

Član 4.

Ostvarivanje prava na novčanu pomoć za nabavku GPS narukvica, vršit će se po redosljedu zaprimljenih zahtjeva do utroška obezbjeđenih finansijskih sredstava za tekuću Budžetsku godinu. Novčana pomoć isplaćivati će se u visini od 200,00 KM, po dostavljenom računu.

Član 5.

Odluka stupa na snagu osmog dana od dana objavljivanja u Službenom glasniku Općine Sanski Most.

Broj: 01-02-87/23

Datum: 21.03.2023. godine

Predsjedavajuća Općinskog vijeća

dr. Elijaš Nada ,s.r.